

M140C: Mariensequenz aus Muri (C)

- 0,41 –[...] zuo muoter kôs .
0,42 dîn wirdicheit diu ne is siu kleine
0,43 joch trüege dû maget vile reine
0,44 daz lebentige brôt
0,45 daz was got selbe
0,46 die sînen munt zuo dînen brusten bôt
0,47 und dîne brüste in sîne hende vienc
0,48 ô woch küniginne
0,49 waz genâden got an dir begienc .
0,50 lâ mich geniezen swanne ich dich nenne
0,51 daz ich Maria vrouwe des geloube des an dir erkenne
0,52 daz nieman guotes
0,53 mac des verlougenen dû ne sîs der barmunge . muoter .
0,54 lâ mich geniezen des hier begienge
0,55 in dirre werlente mit dîneme sune dô dû in mit handen zuo dir vienge .
0,56 wole dich des kindes
0,57 hilf mir hin zuo ime ich weiz wole vrouwe daz dû in senfte vindes .
0,58 dîner bite mac dir dîn lieber sun niemer versien .
0,59 nû bit in daz hê mir wâren riuwen müeze verlîhen .
0,60 daz er durh die namen drî
0,61 sîner mennischlichen hantgetæte
0,62 genædic in den sünden sî .
0,63 daz her durh den grimmen tôt .
0,64 den her leit durh di kristenheit
0,65 [sie] [ane] mennischliche nôt .
0,66 hilf mir vrouwe dâ diu sêle [von] mir scheid
0,67 dâ kum mir ze trôste
0,68 wan ich gelouben daz dû bist
0,69 muoter unde maget beide .